

INFORMACIJA O PREGOVARAČKOM POSTUPKU BEZ OBJAVE OBAVJEŠTENJA O NABAVCI

U skladu sa članom 23. tačka c) i 28. Zakona o javnim nabavkama BiH, kako su ispunjeni svi kumulativno postavljeni uslovi iz člana 23. tačka c) Zakona o javnim nabavkama BiH, Porezna uprava Federacije BiH objavljuje informaciju da u skladu sa članom 23. tačkom c) Zakona o javnim nabavkama BiH provodi pregovarački postupak bez objave obavještenja o nabavci za nabavku nove usluge osiguranja motornih vozila Porezne uprave Federacije BiH po osnovu autoodgovornosti prema trećim licima za novonabavljena motorna vozila - službene putničke automobile (10 komada).

Obzirom da je Ugovorni organ - Porezna uprava Federacije BiH prethodno Odlukom direktora Porezne uprave Federacije BiH, broj: 13/06-3-11-30-1164-1/2021 od 05.08.2021. godine pokrenuo i proveo otvoreni postupak javne nabavke usluge „Osiguranje motornih vozila Porezne uprave Federacije BiH po osnovu autoodgovornosti prema trećim licima“, evidencijski broj nabavke: 13/06-3-11-30-1164/2021, za koje je objavljeno Obavještenje o nabavci, broj: 1415-1-2-69-3-88/21 na portalu javnih nabavki 17.08.2021. godine i u „Službenom glasniku BiH“, broj: 53/21 od 20.08.2021. godine, te da je nakon provedenog otvorenog postupka javne nabavke, dana 31.01.2022. godine sa izabranim ponuđačem „SARAJEVO OSIGURANJE“ d.d. Sarajevo zaključen Ugovor za predmetnu uslugu za uslugu osiguranja, to su zakonom ispunjeni kumulativno postavljeni uslovi za primjenu pregovaračkog postupka bez objave obavještenja u skladu sa članom 23. tačka c) Zakona o javnim nabavkama.

U predmetnoj tenderskoj dokumentaciji provedenog otvorenog postupka javne nabavke za uslugu osiguranja motornih vozila Porezne uprave Federacije BiH je jasno ukazano da će se po potrebi provesti pregovarački postupak bez objave obavještenja i primijeniti član 23. tačka c) Zakona o javnim nabavkama BiH obzirom na činjenicu da je tenderskom dokumentacijom predviđen ukupan maksimalni broj do 131 motorno vozilo.

Momentom pokretanja postupka javne nabavke Ugovorni organ je imao 101 motorno vozilo, koja su operativna i u funkciji, te je jasno navedeno i ukazano da će u toku trajanja ugovornog odnosa doći do povećanja navedenog broja motornih vozila ali do utvrđenog maksimalnog broja (max. broj 131).

Poziv za dostavljanje zahtjeva za učešće za fazu pretkvalifikacije u pregovaračkom postupku bez objave obavještenja je objavljen 01.08.2022. godine na web stranici Ugovornog organa – Porezne uprave Federacije BiH (<https://www.pufbih.ba/>) u dijelu JAVNE NABAVKE – PREGOVARACKI BEZ OBJAVE OBAVJEŠTENJA, i dostupan za kandidate/ponuđače na linku **ovdje**.

Zahtjev za učešće za fazu pretkvalifikacije sa traženom dokumentacijom/dokazima je potrebno dostaviti na adresu Ugovornog organa: Porezna uprava Federacije BiH – Središnji ured Sarajevo, ul. Husrefa Redžića 4, 71000 Sarajevo, najkasnije do 02.08.2022. godine do 15:00 sati.

Nakon što se izvrši provjera kvalifikacije kandidata na osnovu kvalifikacionih kriterija definisanih u pozivu, kvalificirani ponuđač se poziva na dostavu inicijalne/početne ponude, u skladu sa članovima 44. – 52. Zakona o javnim nabavkama, te se kvalificirani kandidat poziva na pregovaranje o tehničkim, ekonomskim, pravnim i drugim aspektima ugovora.

Osnov za pregovore je dostavljena inicijalna/početna ponuda Osiguravatelja kojem je Ugovorni organ dodijelio raniji ugovor.

Nakon pregovora, Osiguravatelj kojem je Ugovorni organ dodijelio raniji ugovor poziva se na dostavu konačne ponude u skladu sa pozivom za dostavu konačne ponude, a sve na osnovu rezultata obavljenih pregovora.

Zakonski osnov za provođenje pregovaračkog postupka bez objave obavještenja predstavlja član 23. tačka c) i 28. Zakona o javnim nabavkama BiH ("Službeni glasnik BiH", broj: 39/14), koji propisuje da se ugovor o javnoj nabavci usluga može zaključiti u pregovaračkom postupku bez objave obavještenja **za nove usluge** koje predstavljaju ponavljanje sličnih usluga povjerenih dobavljaču kojem je ugovorni organ dodijelio raniji ugovor, uz uslov da su takve usluge u skladu sa osnovnim projektom za koji je bio dodijeljen osnovni ugovor, nakon provedenog otvorenog ili ograničenog postupka. Na mogućnost provođenja ovog postupka ugovorni organ dužan je ukazati pri provođenju otvorenog ili ograničenog postupka za osnovni projekat, a ukupne procijenjene troškove kasnijih usluga ugovorni organ uzima u razmatranje prilikom procjenjivanja vrijednosti javne nabavke. Ovaj postupak može se primijeniti samo u periodu od tri godine od dana zaključivanja osnovnog ugovora.

Kako su ispunjeni svi kumulativno postavljeni uslovi članom 23. tačka c) Zakona o javnim nabavkama BiH:

- riječ je o **novim uslugama**, koje predstavljaju ponavljanje istih usluga povjerenih dobavljaču kojem je ugovorni organ dodijelio osnovni/raniji ugovor
- da su takve **usluge u skladu s osnovnim projektom za koji je bio dodijeljen osnovni ugovor**
- da je osnovni ugovor dodijeljen **nakon provedenog otvorenog ili ograničenog postupka**
- na mogućnost provođenja ovog pregovaračkog postupka za nabavku novih usluga ugovorni organ **dužan je ukazati u tenderskoj dokumentaciji pri provođenju otvorenog ili ograničenog postupka za osnovni ugovor/projekat**
- **ukupne procijenjene troškove kasnijih/novih usluga ugovorni organ uzima u razmatranje prilikom procjenjivanja vrijednosti javne nabavke za osnovni ugovor/projekat**
- ovaj postupak može se primijeniti samo u periodu **od tri godine** od dana zaključivanja osnovnog ugovora

to će se pregovarački postupak bez objave obavještenja o nabavci voditi sa dobavljačem kojem je Ugovorni organ dodijelio raniji ugovor uz poštivanje principa Zakona o javnim nabavkama BiH, u skladu sa članom 23. tačka c) i 28. stav (1) Zakona o javnim nabavkama BiH.